



07376

詩

集

紫

十十

山

防

皇清中憲大夫通政使司副使例授通奉大夫太僕寺卿向山陳公暨元配 封恭人例封夫人周夫人

合葬墓誌

朝議大夫前廣州府知府屬國和顧光撰

乾隆三十有六年正月太僕寺卿向山陳公以疾卒於

位是年十月公子玉書玉敦奉喪歸里四十有六年十

一月十八日始完葬于丁家山之原以元配周恭人

祔將埋石于幽宅函來請銘按狀公諱兆崙字星齋號

向山先世姚江人十六世祖始遷於杭公以錢唐諸生

中雍正庚戌科進士分發福建學習知縣旋薦舉博學

崇竹山房詩文集

鴻詞未試先考取內閣中書復以詞科授翰林院檢討

充山日講起居注官擢侍讀學士遷太僕寺卿授順天

府府尹調太常寺卿左轉太僕寺少卿晉通政使司副

使仍升太僕寺卿前後歷官蓋四十餘年 國家風厲

羣才特舉大科旁求方聞有道之士

今上元載赴闕下者百八十四人取十有五人皆以

文章表暴一時充著作備顧問回翔館閣不媿科名

而公獨兼有德業爲世儒宗負天下重望至于今不衰

公始爲諸生工舉子業精六書之學顧尤長於經義於

注疏雖亦墨守馬鄭而多取裁唐宋諸儒故於易有正

先後天不必補圖之說於書有訂三江爲漸江之謬於禮則有補聶氏禮器諸圖橫豎貫弗不專一家嘗與纂詩經補註移書孫文定公與禮部侍郎金公在復再四縷縷數千萬言二公竟爲屈服明史綱目之設局也總裁未得體例屬公具草公爲條件門目奏上得旨允行其纂續文獻通考戶牖屏帷籤帖殆遍并爲作各門總序書成最稱精覈凡

實錄會典經進日講及詞臣撰著出公手者無不悉當上意以是恩眷日隆侍書東朝陪列行幄賜宴者四召對者三神馬玉甕之製千唱百和紀其

紫竹山房詩文集

二

賜予宸翰上尊珍奇之物殆無虛日

上方嚮用公特授公順天府府尹公到任值歲大水四廳二十餘州縣所在告災公心計指畫千里以內人戶多寡緩急一一若探懷予之無不得所畿輔差役繁多舊設官車令民充領應役日久車戶疲敝求退官或簽富民以代公稔知其害悉奏罷之又是時各道府議令州縣所治民間車馬盡登記官冊以備急需請於制府桐城方公方公郵書問公公力言其弊大意謂民間車馬一人官冊吏得因緣爲奸利民將不復私畜驟馬勢必公私交困今但聽州縣各自變通毋庸另立新

法爲便方公得書事遂寢西東阿睦爾撒納來降已而復叛

上命發禁旅及索倫兵七千人徃征之戶部侍郎武進劉公佐公經理宿頓儲蓄一切事宜公獨令兩縣別設鋪戶移置弓矢器械於城外兵毋得入城以故師行日久宴然若無事公時亦送兵出居庸南口關溝大石彌路雪片如掌彈琴峽水流澌方下兵行雜沓連軌竝進公從數騎短衣鞭弭囊韃周歷營門前騶傳呼大人來則士皆額手羣呼者其聲殷地公引騎徐還於馬上擁鼻微吟日課數詩以爲常公狀貌秀羸言不出口而

紫竹山房詩文集

三

遇事井井不動聲色在任三年吏休其威民懷其德公內行淳篤孝於親友於兄弟居喪以盡禮聞持已廉潔每乞假歸仍以課徒自給老屋數間不能旋馬薨逝之日家無餘財官止三品年止七十有二公官通政使時以覃恩貤贈曾祖元變公通奉大夫通政使司副使曾祖母王章貤贈夫人祖次輝公父皋亭公皆贈通奉大夫通政使司副使祖母秦母沈皆贈夫人而公則實封中憲大夫從副使本秩也配周誥封恭人恭人賢而有才代公侍養從公之官三十年雖貴如寒士妻年七十有八卒於家子四人其二早歿長玉萬庚午舉人

山東濟陽縣知縣後公八年卒次子玉敦嗣公弟中書
眉山君庚午舉人江南江寧府督糧水利同知孫男五
人春生桂生嘉生資生桐生於戲公聲名滿天下文章
傳後世著錄弟子及兩試所取士附驥尾而顯者不可
指數受

聖主特達之知侍從清華二十餘年雖不竟其用儒臣
之遭遇可稱極盛矣所著有紫竹山房詩文集三十二
卷藏於家光於公爲屬吏前署知霸州時謁公於軍門
以州屬水災求免縣甲車一十八兩又以旂莊多民力
少乏送兵車五十一兩馬驟請免馭換公皆如所請顧

紫竹山房詩文集

四

命先作七言長古用紀時事公之惠下愛人多此類今
公卒後十餘年光以門下故更年老材薄復以不文之
辭銘我公盛德於戲何以得此於公哉辭曰

巖巖大儒降神攸生金餅玉粒吉夢是徵夙齡好學早
惠甚名馳彼逸足一日百城兩掇大科遂入承明書窺

中秘史弄

皇成不言溫樹常奉結旌績學宜報稽

古孰榮授經

彤廷陳書粉署醴設毋忘筆諫爰据朝

爲百題暮作千賦鄒馬巖徐枚叔最著

晉接有加需

樂允軀卿雲從風天漢垂露幾掌文衡常司日注三錫

九遷莫比隆遇

巡行四岳有命時周雲騎列隊羽林

干椒誰歟後車 清問是須西師未靖東人與仇具爾
稊糧積爾薪爇役休做敝調省馬牛捷書夜奏募食詰
朝無犯京尹孰與韓優賢若山甫正若伯罔虔共在位
敬謹入省納言封駁考牧簿領苟能其官皆不自倖無
避寒暑悉絕造請杓斗不移房屋逾耿績以三年過無
一眚數馬如石問牛若丙粲粲處子早遂烏私修修儒
生退自委蛇未參揆席仍懸講帷人倫水鏡學道槌提
一室爲政百世可師攀杭鴻舉方齊鳳儀聞琴遐想傾
蓋佇思青雲可附白首同期抱璧淪輝傳薪罷燭公得
其正人將安贖奪我鳳池還公玉局生有自來逝有宜
紫竹山房詩文集

五

復靈輿旣歸吉壤從卜貞以樂石蔭以文木勒之銘辭
不誣不愆公兮有知安此瑩域

皇清中憲大夫通政使司副使例授通奉大夫太僕寺卿句山陳公神道碑銘

吳江郭慶謨

太僕寺卿陳公旣葬之二十有三年其孫春生等自楚歸展敬墓次相與謀曰公事狀在史館銘幽有顧廣州之文惟外碑未有刻揭而詩之於以詔稚昧而跡永久也益焯矣乃介其族舅弟鴻壽爲請磨自惟不文且各位先後去公遠且久旣禮辭矣竊念自少爲文卽私淑公又公嘗自誌先德不欲求貴人達官今公之孫猶公之志遂不獲讓謹按狀而述其一二大者公諱兆崙字

紫竹山房詩文集

六

星齋會祖相謨祖文燦考培駿皆贈通奉大夫通政副使配皆贈夫人公以雍正庚戌進士試用福建知縣會舉博學鴻詞入都考授內閣中書乾隆丙辰召試保和殿名在二等第二授翰林院檢討時同徵者百八十四人通籍者十五人皆通儒鴻生斂手交讓莫敢雁行充日講起居注官丁父憂服除轉左春坊左中允擢侍講學士遷太僕寺卿授順天府府尹京兆古號難治以嚴明爲稱職公一書生疑不習吏事又西夷反覆發滿洲索倫兵往征之爲隊于德勝門外供張儲侍日不暇給公莅政斯斯靜若無事其學畫處置皆一一先定

飭大興宛平兩邑令各于城外設鋪戶以貯弓矢器械
他軍行所須令毋得一入城公衣短後衣策馬度居庸
關大雪中周歷諸營壘下馬相勞苦羽林髦頭之卒無
不超距踴躍謹呼京兆來公徐起上馬微吟而歸先是
順天所治縣置官車以供役其戶求退輒別簽他戶又
時以軍役旁午議以民私畜車注官籍以備急公奏罷
官車而力寢籍者之議民以不擾官用亦給調太常寺
卿左轉太僕寺少卿遷通政使副使仍晉太僕寺卿公
先後立朝四十餘年侃侃正色無纖介之過文章學術
徹于 當宁乎于廷察崇信于鄉黨宗師于後學充

紫竹山房詩文集

七

世宗實錄明史綱目詩經補注各纂修官續文獻通攷
副總裁及經進曰講餘他譔述當事者體例未定文臣
學士相顧未下筆公徐爲敷陳肌分縷晰申紙和墨水
懸矩程

至尊動容羣儒俛首一典湖北試再充會試同考官所
得士皆天下豪俊後或居臺閣爲侍從或先公躋顯秩
或出四方爲大吏皆卓卓可紀里人後進操不律學爲
文詞士者以文名當時下亦得科第發名成業如是纍
纍不絕皆以公爲師言文必曰句山先生嗚呼其文哉
公雖位不至宰輔然一二稍見施設文章遇合亦已極

年譜 辛癸未

癸未下 庚辰 不齊出 蒼水姪男 精玉繩編次

康熙三十九年庚辰

先生生於是年十二月初六日申時名兆崙字星齋
先世家餘姚十六世祖諱鈞遷錢唐豐馨里之句耳
山後遂以爲號山多紫竹又名紫竹山父皋亭公諱
培駿母沈太夫人先生上有女兄三大母秦太夫人
望孫切禱於上天竺一夕夢神與黃金一餅中積玉
粒及覺遂生先生左駢脇識者知爲異秉云

四十年辛巳

紫竹山房詩文集

四二歲

四十二年壬午

三歲方能言皋亭公從枕上口授毛詩及左氏春秋
輒能背誦每寢恍見白髮老人長可尺許持杖枕畔
嘻嘻作撫翼狀先生習見之不爲怪亦絕不與人言
至成人始無所見是歲閏六月八日仲弟眉山公生
初名兆崑後更名兆崙號閨風亦有文譽里中有二
陳之目舉雍正己酉鄉試乾隆丁未考授內閣中書
癸亥丁外艱歸不復出著有眉山詩鈔

四十二年癸未

四歲

四十三年甲申

五歲十一月十五日季弟支山公生卽玉繩父也諱

兆岐有孝行聞于時郡志有傳

四十四年乙酉

六歲秦太夫人鍾愛特甚常攜侍左右隨寢食分甘

恒倍諸姊弟先生輒泣秀人誤會意又附益之則愈

泣大母廉知之每賜必均始歡然共食益孝友出自

天性云

四十五年丙戌

紫竹山房詩文集

二

年

七歲從舅氏沈公電文痕受學日誦百餘行過目卽

通曉大義好作字遇楮墨輒淋漓揮灑大父越石公

雅好古藏法帖碑版甚富遂令日夕縱觀時爲講畫

故於擘窠大字自幼卽工

四十六年丁亥

八歲曾大母章太夫人八十有五壽終越石公哭甚

慟先生從秀飲泣如成人

四十七年戊子

九歲

四十八年己丑

十歲讀遍九經時有同學王某年相若資穎尤絕出
一日隨師游淨慈寺約背誦寺門榜文某一覽即熟
先生至三過於是常以不及人為恥
四十九年庚寅

十一歲

五十年辛卯
十二歲從淳安汪公占五
受學試筆三閱月即
成篇里中向有文社先生與焉同人皆年長以倍見
先生尚未成童特為講析題義及脫稿眾咸驚嘆閱
文者取冠曹偶能文之名始此

紫竹山房詩文集

三

年

五十一年壬辰

十三歲出應童子試與同里孫公虛船
訂交

五十二年癸巳

十四歲初為文尚循謹繼從表叔周公理齋
經邦遊

教以文章任人自為不拘一格先生大悟行文遂日

進

五十三年甲午

十五歲讀畢十三經旁涉子史有手批漢書雖隨筆
點定而高論卓識老師宿儒未有以過某

五十四年乙未

某年

十六歲十月十三日大母秦太夫人卒先生哀毀骨
立大父越石公憐之曉以大義仍令置榻寢旁親加
督課夜分不休雞三號輒起制義稿中事君盡禮一
節射不主皮一節題文是時作也

五十五年丙申

十七歲手鈔五經左國并史記兩漢唐宋諸文集時
加論斷旋燬於火先生強識博聞得於天性凡書經
繙閱佳處悉成誦終身不忘鬻書者輒相戒曰慎毋
借與某書留信宿卽不復問直矣

五十六年丁酉

紫竹山房詩文集

四

十八歲猶困童子試以不得赴秋闈爲恨大父命作
闈題七藝質之鄉先輩何公仲穎何公亟許之大父
有喜色訓之曰君子貴知命若果有必售之技何患
無遇合耶是以先生一生自登名場歷仕進垂四十
餘年未嘗以賢智先人修身俟命得力於祖訓爲多
五十七年戊戌

十九歲受知于學使者大理寺卿汪公荅洲

藻補錢

唐學博士弟子員試題湯之盤銘曰一句先生幼時
恒著粗布衣至是大父喜搜篋出白金二錠付臯亭
公曰兒旣爲諸生可市繪以寵之會表叔吳某倉皇

來泣告晨炊不舉者三日矣大父憐之而無以應臯
亭公曰金故在也兒無衣猶足禦寒孰與無食而就
死也先生卽舉以贈之

五十八年己亥

二十歲

五十九年庚子

二十一歲鄉闈報罷益銳意於學與同時名宿梁諶

六林

長孺虞任處泉應烈孫虛船瀨杭莖浦世駿嚴季傳

在昌諸先生相切劘福清李鹿山先生覆來撫浙首

紫竹山房詩文集

五年

拔先生於諸生中令人敷文書院肄業同社諸公亦
先後入院後並掇科第歷臺省著聲於時

六十年辛丑

二十二歲

六十一年壬寅

二十三歲正月五日周夫人來歸同里燕皇公次女

也三月結文社於西湖藕花居何鳴世姚瑞吳子廉

國鏞吳春郊景任處泉應烈孫介斯曾颺錢蒼益在

培汪履順金城汪介純宏禧梁諶林啟心杭莖浦世

駿梁薌林詩正王琬華瀛洲金以寧文濟孫虛船瀨

裴滄曉

肇煦

金雨叔

陸賓之

暨先生十八人相

序以齒哀其文曰質韋集明年癸卯恩科登賢書

者三人汪公

金城

王公

瀛洲

金公

姓

甲辰補行正科

登賢書者亦三人杭公

世駿

孫公

灝

暨先生丙午登

賢書者亦三人汪公

宏禧

梁公

詩正

裴公

肇煦

己酉

登賢書者二人任公

應烈

陸公

秩

壬子登賢書者一

人梁公

啟心

乙卯登賢書者三人何公

姚瑞

錢公

在

而金公

文濟

改名

焜

以比閩捷丙辰

恩科中副

車者一人孫公

會禔

戊午登賢書者一人吳公

國鏗

中副車者一人吳公景繼復次第登甲科躋位通顯

紫竹山房詩文集

六

年

亦一時盛事也

雍正元年癸卯

二十四歲是年春三月鄉試先生薦而不售五月二

十日長子

玉藻

生後更名

玉萬

人

二年甲辰

二十五歲三月補行癸卯正科鄉試首題斯民也一

節次題溥博淵泉而時出之合下二句三題放勳曰

勞之來之七句先生中式第四十六名舉人房師知

瑞安縣河南孟縣薛公

雋升

號仿山座師閣學建昌

李公

鳳翥

考功郎中黃岡王公

一尊

薛公得先生卷

詎爲熊漢陽復出薦元不獲爭之語過激王公不懌
幾欲斥去薛公手自批頰以謝王公亦謝後先生嘗
手錄闡文紀其事有報恩無藉宿草再新之感先是
薛公去任入都父老攀轅泣送饋米肉者相踵先生
賦七律一章送之末有聞說矚錢煩父老陸莊荒盡
奈愁何之句蓋紀實也時大父越石公歸自嘉禾得
疾至六月七日卒先生號慟不已不忍赴禮部試值
期迫戚友促行不得已就道力疾入闈孫文定公嘉
塗得先生卷力薦不售十月歸里時仲弟眉山受知
學使者茶陵彭公維新補錢唐縣學博士弟子員

紫竹山房詩文集

七年

三年乙巳

二十六歲授徒於家之紫竹山房從遊者周讓谷天
度沈雨齋崖沈厚田范李次金情皆一時能文之士
後讓谷領庚午解壬申成進士次金厚田亦先後領
鄉薦雨齋文尤奇早大士林惜之先生於講貫之暇
哀集新舊所作制義付梓世所傳向山一刻是也時
淳安方公朴山葵如來杭先生持所刻就正之朴山
語人曰快哉陳君之文令我讀之汗出古人云可愈
店疾其殆是乎桐城方公靈臯苞在都見先生稿稱
爲根源盛大氣宇高深望之有深山大澤龍虎變化

氣象必傳于後無疑且云是必長於古者命子弟致書索觀數篇甚稱得古文正宗其爲先輩所膺服如此

四年丙午

二十七歲授徒於家三月初十日次子玉敦生十二

月將隨計偕會海寧查氏日記事發詔停浙人會試不果行

五年丁未

二十八歲授徒于同里徐氏從遊者甚衆

六年戊申

紫竹山房詩文集

八

年

二十九歲館徐氏

七年己酉

三十歲仍館徐氏四月三子思道生及晬而殤八月

深陽任公蘭枝常熟王公峻來主鄉試先生謂仲弟

兆喟暨嚴君在昌文雖不合場屋尺度如得薦無不

售者榜發果然十二月公車北上同行者梁公蕲林

徐公笠山廷槐汪公介純杭公葦浦任公處泉孫公

虛船裴公滄曉嚴公季傳其弟十區暹暨先生昆弟

凡十一人抵泰安度歲

八年庚戌

督于貧無操且云是爲長古善命于集

三十一歲正月抵京同行者復同寓禮闈首題志於道三句次題自誠明一節三題見其禮而知其政一節先生最後出梁公薊林曰遍觀合寓文以虛船爲最先生卽背誦就質孫公虛船自以爲不若榜發被放者惟杭公堇浦暨先生仲弟二人餘九人皆獲雋總裁爲大學士常熟文肅蔣公廷錫侍郎長白文端鄂公爾泰冢宰興縣文定孫公嘉淦宗伯溧陽任公蘭枝同考房師則編修武進吳公以第一人薦蔣文肅公擊節不置因得卷遲前列已進呈無可易遂置二十一名殿試入二甲朝考誤以第三題爲首題

紫竹山房詩文集

九

年

格於例不錄首輔某耳先生名又以朝考之誤深爲惋惜欲致先生於幕爲之保薦先生堅辭之因是失首輔歡後雖入館關列門下共事者十餘年遇事輒抑之先生亦無悔焉是時值伯邸薨逝聖情震悼罷新進士贖員引見概予分發隣省試用知縣先生得福建七月一日偕仲弟暨杭公堇浦買舟南還一日午倦敲枕夢停舟荒岬緣堤獨行忽逢古塚門洞開見大父越石公坐其中呼先生名曰汝毋以不入詞垣爲快快汝尚有科目在後故有此蹉跌耳汝其勉之及寤以告堇浦曰鄉會兩榜已侔列名

更有何科目董浦曰不然方今
皇上勵精圖治留意人才
詔舉孝廉方正安知不又
開博學鴻詞科我與君同膺其選
耶後三年果如其言八月抵杭
留兩月十月赴閩度仙霞嶺有和周
櫟園石刻詩至閩寓開元寺有除夕
宿開元寺漏未盡即起詩

九年辛亥

三十二歲在閩需次制府長白郝公

玉麟

中丞泰安

趙公國麟特加愛重不以屬吏相遇學使戴公巨來

瀚有著述必經先生點定乃刊行時未得缺攝鰲峰

紫竹山房詩文集

十

年

書院山長日夕進諸生講論聖賢之學先本後末要

於實踐因文闡道有不軌於正者悉以法度繩之又

總領福建通志局於忠孝節義多所表揚與閩中鄉

先達謝古梅編修道承黃莘田大令任共事相契厚

暇則遊烏石山鼓山滄湖石倉諸勝聯吟染翰傳播

士林五月十三日四子

玉成

生

十年壬子

三十三歲主講鰲峰兼領志局八月充福建鄉試同

考官得士十一人皆一時名宿後任溫州太守俞文

其一也同年杭公董浦亦就聘閩闈先生作七律

二章誌喜杭依韻和之

十一年癸丑

二月廿三日登青巒閣風文山雨後請人見一

三十四歲主講鰲峰兼領志局四月八日奉詔薦

舉博學鴻詞制府郝公中丞趙公稔知先生品學語

人曰陳君吾非特愛其才弁重其人

上命某等各舉所知殆未有出其右者即日集知名士

於貢院局試時先生病目頗劇夢人以竹葉露灑目

中覺時滿室光明帳外猶見竹葉影次日遽痊題凡

四策論詩賦先生援筆立就呈卷時尚未午咸驚其

十神速督撫卽於試院具本所舉惟先生一人

紫竹山房詩文集

十一

年

十二年甲寅

三月志局告竣仍主講席七月將北行有

三十五歲三月志局告竣仍主講席七月將北行有

留別陳師顏秀才詩有序師顏名發閩人與修志局

每會飲酒酣對先生輒嗚咽流涕謂我與公同為峨

嶂山寺僧寧念之耶舉坐愕然九月十日抵家有哭

同年嚴庶常門人嚴秀才用和詩

十三年乙卯

三月二十六歲二月二十七日自家就道途中遇名勝輒

留題到都後三日有書報聞風支山兩弟詩八月二

十三日喜林翁贈詩

十三日喜林翁贈詩

世宗憲皇帝龍馭上賓先生感激慟哭成七言律詩一

首十一月初十日奉

上諭以現在保奏鴻博人數寥寥切責內外臣工再予

一年限齊集京師候旨廷試十二月閣臣以中書懸

缺需人請試士於東閣新例凡保舉鴻博人員舉人

進士出身者亦得與試先生祈籤正陽門關帝祠云

一生心事向誰論十八灘頭說與君世事盡從流水

去功名富貴等浮雲解者以爲內藏一等頭名四字

赴東閣試榜發 欽取一等一名授內閣撰文中書

旋入軍機處行走有迎歲早梅新試帖前先生南還

紫竹山房詩文集

十一

年

舟中夢大父云有科目在後蓋不獨鴻詞也

乾隆元年丙辰

三十七歲官中書兼軍機處行走大學士鄂文端公

愛先生才遇事相倚重先生寅入酉出不敢辭勞二

月二十四日奉

上諭內外臣工所舉博學鴻詞聞已有一百餘人祇因

到京未齊不便卽行考試先至者未免旅食艱難着

從三月爲始每人月給銀四兩資其膏火在戶部按

名給發其未到之人俱着九月以前到京於是四方

徵士雲集臨期又奉 恩旨天氣漸寒着在保和殿

內考試

欽點大學士鄂

爾泰張廷玉

侍郎邵

基閱

卷康熙十八年舊例鴻詞僅試詩賦考前二日御史

某人奏云鴻博之學必通天徹地無所不知若僅試

詩賦凡屬詞臣所不能足以窺底蘊于是試凡二場

第一場五六天地之中合賦山雞舞鏡詩黃鍾爲萬

事根本論第二場經學史學策問各一道卷凡一百

七十有二十月初三日闈卷官擬取一等五名二等

十名進呈御覽欽取二等三名十月初五日吏

部帶領引見授翰林院檢討蒙賜日知齋說一

部同人選一等者劉公綸潘公安禮諸公錦于公振

紫竹山房詩文集

三

年

杭公世駿

二等者楊公

度汪

劉公

玉麟

後更名

漢沈

公廷芳

夏公

之蓉

汪公

士鏡

陳公

士璠

齊公

名南

周

公長發

程公

詢

並先生十五人照康熙十八年例分

別授翰林等官二十五日踏雪赴翰林院任有口占

示諸同年詩

二年丁巳

三十八歲正月恭遇不覃恩封父臬亭公徵仕郎翰

林院檢討封母沈孺人又以本身及妻室應得

封典賜地贈大父越石公大母秦如例三月會試充

同考官分校禮記卷得辛

有光

談

思承

汪

逢源

觀

王其章 洪本仁 饒國材 黃培任 時遠 羅鳳儀 郭新陸

胡汧 闕文等十三人又兼校別經卷得周煌 納國棟

路斯道 葛萃 潘宏道 陳封 卿等六人皆極一時之選

五月充

世宗憲皇帝實錄館纂修官兼

三朝實錄館校對官是月七日考翰詹諸臣奉旨特

免詞科翰林考試仍照優等賞給蒙賜御製墨

刻及端硯筆墨紗葛數種六月仲弟眉山考授內閣

中書兄弟同官京師遣人南還迎養封翁及母沈太

夫人封翁以高年服習故鄉水土不願遠行命周夫

紫竹山房詩文集 古 年

人偕仲弟婦張宜人率子女至京師

三年戊午

三十九歲二月

上耕藉禮成恭紀七言排律一首三月

上臨雍禮成獻頌一篇是月京察一等加一級四月考

試差 欽取一等六名

四年己未

四十歲元旦大雪早朝 大和殿有七律二章紀事

三月張藻川侍讀 映辰 視學湖北邀先生仲弟偕行

次齊二瓊臺 名南 詩韻送之七月有秋懷詩六章寄

仲弟

五年庚申

四十一歲二月

世宗憲皇帝實錄告成議叙一等

恩賜表裏有差是年冬先生仲弟感寒疾幾殆閱歲未瘳先生理料藥

裹不遑晨夕自冬迄春作詩甚少

六年辛酉

四十二歲三月京察一等加一級四月考試差

取一等四名六月十五日命典湖北鄉試以編修

聞案副之聞公丙辰館選同年也先生以楚號多才

紫竹山房詩文集

十五

竭心力二十餘晝夜取中張夢楊等五十三人填榜

時監臨范公奠文燦曰楚有諺云若要好看黃孝今

所中黃岡孝感居多實衆所膺服後五十三人登甲

榜者十之六七甲戌會試胡公紹鼎中會元入詞館

夏比部扶黃李太守長青其尤著也是科落卷先生

一一別其純疵明白批示發卷後下第舉子多來求

見先生指以要領各得其意以去有劉名龍光者聞

先生講論感激欣喜至于泣下次科聯捷成進士歷

官御史終其身執弟子禮十月回京復命

上垂問楚北文風先生以清真雅正對溫語移時以

賜金寄奉封翁封母及三黨之不足於衣食者曰子
以非才得邀 寵任不可不令親族子弟共沐
君恩冬日病中有書懷示仲弟闡風詩

七年壬戌

四十三歲二月以原銜充 日講官起居注三月充

會試同考官闈中有和大學士鄂文端公入闈言志

詩先生仍校禮記卷得舒敏 邵 齊 燾 李 金臺 周 宣武

朱盛江 廖 運芳 黃 占 鰲 劉 思忠 陳 大復 朱 涵 林 孔 煥

周禮東馮立朝 舒 祿 王 靖 鄒 木 立 盛 英 田 沈 等 十 八

人又兼校別經卷得劉瓚 亢 保 王 三 曾 趙 聖 佐 黃 寬

紫竹山房詩文集

十六

年

趙移 鄧 琮 周 於 智 陳 旭 何 紹 東 毛 復 亨 陳 琳 王 錫 命

王世 仕 馮 子 式 等 十 五 人 七 月 充 明 史 綱 目 館 纂 修

官總裁屬先生具草定體例進呈奉 硃批褒美九

月以歷俸久與省親例符請命於臯亭公公馳書止

之遂不果

八年癸亥

四十四歲正月晦日侍班奉 勅恭和 聖製咏雨

三月十七日夜先生夢臯亭公問臨文不諱二名不

偏諱之義夢中以他語對既寤念舍故諱新于占不

吉心搖搖不自安未幾翰林輪班引見奉 命和

御製十駿圖長句三十二韻詩題第二字臯亭公諱也

于是釋然以爲驗在此矣詩成蒙 賜克食畫扇毫

筆卽郵書報臯亭公越四十日 御試翰詹人員于

正大光明殿先生列二等奉 旨以應陞之缺列名

奏請旋聞臯亭公訃蓋前見夢之日卽臯亭公得病

之日也先生與仲弟跣奔南還舟過維揚同年朱公

續陣時爲兩淮運使途次來唁具知清況固請留信

宿謀所以潤行色者先生謝不可卽日遄行先是阻

風黃河先生語仲弟曰吾時覺神理不寧何也比至

里門始知是夜鄰人不戒于火距老屋僅隔一壁支

紫竹山房詩文集

七

山公守苦次倉皇呼輿夫舛輅猝不可集仰天號泣

誓與棺同燼臯亭公素有德于里人于是麀至掖輅

以行甫出門火燄及屋頃刻灰燼明日權厝於城西

錢氏莊而奉太夫人賃屋以居先生至趨莊所躡踊

不止子弟輩扶持至賃屋哭拜太夫人于膝下嗚咽

不能成一語晚復詣苦次居月餘感寒疾奉太夫人

命入城疾少瘥九月與兩弟經紀喪事述臯亭公行

狀數千言見者無不墮淚旋購屋柳翠井巷奉母移

居焉

九年甲子

四十五歲應同年紹興太守周少白

範蓮

之聘主講

戴山書院挈兩子

玉萬玉敦

汪甥 邦憲

隨往讀書 邦

憲字寶臣先生長姊出也後二年丁卯領鄉薦甲戌

明通榜得縣令歷官江南之江陰陽湖縣知縣有治聲至戴山日越中諸生樂先生至課日遠近畢集風

雨無間一時稱盛有張生

嗣益

工時文年長於先生

而師事甚恭所刻稿皆先生點定又有錢生

景綸

耆

而好學尤所賞識明年錢生殂謝先生爲之泫然刻其遺文並書後曰文章憎命達何處哭秋風檢視遺

編凜有生氣輒復附識崖略俛後輩知稽山有種學

紫竹山房詩文集

六

績文老死不遇之錢

景綸

也先生愛才不沒人善類

如此

十年乙丑

四十六歲主講戴山仁和韓

朝衡

長洲翁

起璜

相隨

受學朝衡字開雲後成進士與館選改官部曹歷廣

東觀察起璜字韜伯以孝廉官國子學正七月服除

當起官以母老未赴補刻戴山課義學者翁然宗之

與諸生遊覽越中古蹟如禹陵南鎮廟明祁世培先

生讀書處吼山水旱二宕皆有詩紀之

十一年丙寅

四十七歲正月同季弟渡江至餘姚眉山省先墓遵
祖志也有紀事詩六十韻二月明史綱目告成先生
向任纂修奉旨議叙紀錄二次閏三月上巳同人
修禊湖上效蘭亭體賦詩集者五十餘人爲一時盛
事四月太夫人促先生昆弟北行諭曰吾誠不忍爾
兄弟遠去顧陳氏式微久兩世未葬懷安敗名君子
所恥汝曹安得鍵關而臥耶先生泣請留仲弟於家
五月啟行日晡時出關與閩風支山兩弟相抱慟哭
而別舟中有却寄詩以見志長子玉萬先於乙丑秋
就婚大名司馬吳公日省元整官署先生自濟寧登
紫竹山房詩文集

九

年

陸由張秋取道大名遂挈長子赴都故事翰詹衙門

凡丁憂回籍者仍入京察至是補行引見奉旨

准其一等加一級八月二十八日詔廷臣自大學

士以下翰詹科道以上賜宴西苑瀛臺宴畢詔諸

臣得周遭瞻仰能詩者集流杯亭候旨發韻聯句

仿柏梁體賦詩先生與焉大司馬哈公傳旨今日

坐立任便一切無拘禮數先生恭用亭臺二字各得

二十四韻成詩三章以進

十二年丁卯

四十八歲正月上元後一日與表弟周讓谷天度同

賦流星聯句二月祭先師孔子奉詔分獻是日
一慎郡王承祭故事分獻十哲以編檢俸深者爲之
有和同年程慄也詩二首紀事三月京察一等加
一級奉勅恭賦玉齎詩又有寄題杜拾遺南池新
祠詩卽送沈椒園侍御廷芳巡漕濟寧五月充國
朝會典館纂修官九月充日講起居注官奉派教
習乙丑科庶吉士十二月集鄉友作消寒之會凡八
題各賦其一先生并作之

十三年戊辰

四十九歲二月聖駕東巡展謁孔林秩祀岱宗

紫竹山房詩文集

年

年

禮成恭紀七言絕句十二首三月十一日恭值

孝賢皇后大行祭文例由翰林院撰擬惟先生擬進者

得俞旨掌院張文和公廷玉特奏明專任焉五月

考試翰詹諸臣先生列三等七月奉派教習庶吉士

越數日得沈太夫人訃音星夜跣奔而先生季弟方

以哀毀卒先生抵家見兩棺在殯號慟不能起十一

月與仲弟爲太夫人發喪權厝于南屏山之普渡菴

而以季弟樞附厝焉作太夫人行述又爲季弟作傳

略付弟孤王繩乾隆癸卯杭州太守邵公齊然重修

府志以此傳并先生所爲仲弟眉山先生行略載入

孝友傳壬子春同里梁山舟同書侍講爲合寫兩傳

刻于石

十四年己巳

五十歲河庫道何公

朔

延先生至官廨課其子

裕城

及姪某二月赴淮舟過丹陽泊堤畔遇解秋審人犯數船自鎮江往蘇牽百丈而行礙先生船桅不得出

上船詬辱舟人方與辨解役等突率衆囚徒闖入船

各持器械雜手中鐵鍊指揮先生方與柴孝廉右麟

駢生

對奕猝被一人連毆三鐵鍊頭顱脊背被創重

血涔涔滿船昏暈不能言舟人及家奴知不敵俱散

紫竹山房詩文集

三

年

匿凶徒悉舟中所有胠篋以去蓋每歲秋讞時橫行以爲利藪也先生痛定後命家奴覓小舟伏艙底疾進鳴于丹陽縣令倉猝不能指其人令曰人犯過境例須到縣點勘汝立吾座後按名指認無所逃果得若干名下于獄撫軍雅公得詳具奏立置重典辛未歲起復入都

上方自南巡還京先生於道旁接駕猶垂問此事並

笑曰汝何不言雞肋不足以當尊拳耶自是每逢

召見必問及

十五年庚午

五十一歲二月仍赴清江館河庫道署與河督張公師載商定陸清獻公年譜刊行之與門弟子講中庸性道教之旨作理筌三月京察列一等時錢唐梁文莊公爲掌院與先生同里同年御史歐公堪善以徇私彈奏辭連上年舟過丹陽被毆事以爲其人必非安分而列入優等梁某未免瞻顧同鄉聖意稍爲之動卽日召見文莊文莊奏曰陳某在翰林前此已四入京察無不定爲一等者臣雖欲矯情避嫌其

皇如朝廷公議何

上亦悟從容諭曰自後有則改之無則加勉文莊奏曰

紫竹山房詩文集

臣領

皇上無則加勉之訓同列者咸嘆爲得古大臣風六月

率諸子弟回浙鄉試是科正主考詹事裴公日修副

主考編修歐陽公正煥榜發二子玉萬玉敦同領鄉

薦解首則表弟周天度次子之妻兄秀水汪孟錡弟

仲錫亦中式時皆同寓先生家爲一時之盛凡試文

經先生許可者如汪公永錫趙公佑葉公藩吳公泰

不特是科獲雋聯翩成進士或由詞垣至卿貳或由

縣令至方面十不失一十一月服闋還朝挈汪甥

邦憲同行

十六年辛未

五十二歲正月抵都二月署日講起居注官旋奉

旨充補四月

上南巡回鑾謹擬連珠三十首以進五月補行十五年

京察引見奉旨准其一等加一級閏五月充續

文獻通考館纂修官奉派教習庶吉士有初伏日招

同館纂修饒學曙庶常湯先甲劉嘯史馮皋高辰孫

昭諸君小飲詩七月御纂詩經補注命孫文定

皇公主其事先生與宮費金公姓分任纂修有上孫文

定公書酌參同異往復數四文定多從所議十一月

紫竹山房詩文集

二十五日奉回吳

皇太后六旬萬壽先生敬撰詞十二闕并序以進奉

恩詔加一級以京銜加級請封視四品誥贈父臬

亭公朝議大夫日講起居注官翰林院檢討母沈

贈恭人又以本身及妻室應得封典賜贈大父

越石公大母秦恭人如例十二月移居鐵老鶴廟巷

十小除夕侍

上歲暮禘祭

十七年壬申

五十三歲元日侍班慈慶宮門五日有試筆詩十

五日侍班陪宴恭紀七律二首二月

上御經筵進呈君子之於天下也一節講義

上覽畢詢問諸大臣曰何人撰擬蔣文恪公溥以陳某

對曰溥精意溥入職溥東刻溥大奉溥恭味溥

上稱善久之不數日擢詹事府左春坊左中允三月有

卽事恭紀詩二首有序又奉勅恭和溥聖製雨中

十流覽元韻三首四月 命副少司馬觀保典順天武

鄉試得願麟等如額顧于是歲十月聯捷會狀爲武

三元哈國興亦聯捷歷任雲南四川提鎮後殉節金

川入昭忠祠六月考試翰詹諸臣 欽定二等一名

紫竹山房詩文集

言

年

擢翰林院侍讀學士九月有送大學士錢唐梁公告

養歸里詩二首十二月有次韻表弟周進士讓谷旅

寓書懷詩四首卽送之官燕南士民報對會州念

十八年癸酉三首四月 命隔少屏歸燕興天海

五十四歲元旦立春有紀事詩二日雪有恭和兩聖

製單字韻詩越二日 祈年殿陪侍有恭紀詩二日

六日以講官扈 蹕 東陵途次奉 勅恭和 御

製古今體詩三十七首三月還京京察一等四月六

日庶常梁元穎同書秋部劾循敦書招同閣學潤亭

徐以廷尉藻川張映辰給諫驥超程鍾彥編修時

翔許集馮夢亭浩庶常錢籜石載中翰倪敬堂

承寬

集清勤堂看藤花卽席賦詩又同過虎坊橋呂氏園
看藤花有和藻川偕過街南看古藤長歌時錢籜石
精繪事畫藤花於絹素在座諸公題詩其上一時傳
爲美觀至今畫軸尚存梁氏四月二十五日禱雨

地祇陪祀恭紀五古一篇時

讀東齋燕語

卷之六

上禱宮中已浹旬矣二十六日微雨疊前韻三十八日
夜雷雨大作再疊前韻六月擢太僕寺卿九月充續
文獻通考館總裁先生由纂修總領書局 寵眷逾
格日與分纂諸公虛衷商榷窗牖屏帷籤帖殆遍各

紫竹山房詩文集

五

年

門總序先生所作爲多商榷竊觀

十九年甲戌

論衡式也

五十五歲元旦早朝有詩自和癸酉元旦韻又有追

和癸酉除夕同年商寶意盤見過出示雜詩十首備

述平生相交始末二月爲聖駕東巡恭謁

祖陵禮成恭紀七言律詩二十首末章結句云臣心絕

似扶輪草千里依依不斷青忠敬纏綿爲一時傳誦

六月次子

玉敦

考取內閣中書人稱中書世家蓋先

生與仲弟皆由舍人起家也十一月擢順天府府尹

先生以輦轂重地五方雜處吏胥多因緣爲奸遇事

悉心釐剔慎刑愛民未嘗稍事笞責會西陲用兵調發索倫勁旅於德勝門外分隊屯駐陸續前進先生與少司農兼府尹武進劉公綸經理宿頓儲備各事宜檄飭所過屬邑隨宜籌辦令大宛兩縣率鋪戶陳設弓矢器械于城外短衣策馬護送出居庸關有德勝門營盤紀事詩八首又有出關至懷來途次雜咏

十六首

二十年乙亥

五十六歲正月送定北軍出居庸關馬上得七古一篇事畢還京初順天府屬置官車募民充領官給白

紫竹山房詩文集

卷

年

金八十兩爲造置馬騾費有事應用無事聽自謀生行之既久車馬疲敝力不任修者求退籍官或簽富民以代胥役從中爲奸而官車遂爲民累先生洞悉

其情與兼攝京尹侍郎劉公

綸

制府方公

觀承

奏罷

之民大稱便方公又以各道府議令各屬派民車入官冊郵書往復先生痛言其未便者三詳見文集方公得書意解議遂寢五月長子隨侍周夫人率眷屬

抵都寓六月伊犁底定奉恩詔加一級又以料理

軍行各事宜軍功議叙加一級隨帶九月觀風所屬三十六州縣及八旗生童拔其尤者給紙筆書帖獎

勵之而于金臺書院尤加意焉延歸安姚明經

汝金

主講席文風由是益振明年丙子至丙戌十年凡四
遇鄉會試連登甲榜者不勝指一時稱盛

二十一年丙子

五十七歲三月京察遵例自陳蒙恩留任有快閣

次韻詩五月望日

上幸黑龍潭粘香越三日大雨霑足恭紀一篇八月順
天鄉試充監試官先期申明勸諭榮辱得失大義作
奸犯科者皆斂迹終場帖然江蘇舉子某誤帶首場
文稿八二場幾罹于法先生力救得免十月充順天

紫竹山房詩文集

三

年

武鄉試監臨官又奉旨充校射官十一月轉太常
寺卿先生爲京兆廉靜愛民事無鉅細必與制府和
衷共濟方公宜田常語人曰陳公與僕交好有素但
知其文學優長不料吏治若此讀書人不可輕量信
哉

二十二年丁丑

五十八歲五月

上巡幸江浙回鑾先生擬頌十章并序以進十一月朔

日雪中恭赴

天壇上香拂拭洒掃有七律一首紀事

首先生始至塞外朔風吹雪馬力凌競輒攬轡口占
以紀山川之勝吟詠特多十月還京適西師大武告
成奉_中恩詔加一級先生恭擬露布一篇以進十一
月奉 勅恭和_根御製玉盤謠疊舊作元韻十二月
初六日先生六十誕辰 皇子_子皇孫書房師傅及
同年同官競爲祝嘏之詞先生自慚緩葬有年不敢
當賀

二十五年庚辰

六十一歲正月四日赴 西苑寓園 玉繩 隨侍三月

自棉花衙衙移居虎坊橋四月爲 玉繩 娶同里倪奉

紫竹山房詩文集

无

常敬堂之女五月五日病中得詩三首示中表甥吳

寧及兒 玉萬 輩是月門人周海山學士 煌 奉 命典

試閩中觀補亭少司馬 保 有詩贈行先生卽步其韻

送之兼寄福州詩人黃大令 莘田 六月送門人觀少

同馬補亭典試浙江用介野園 編 疊去年公餞詩韻

九月日皇四子寄示隨園詩冊謹用冊中見懷詩韻

奉酬 皇八子亦有詩見懷謹次元韻

二十六年辛巳

六十二歲元日欽天監奏是日午時日月合璧五星
連珠允符文治大同之盛又稱雍正三年曾遇此祥

而茲則木火土金水順序實亘古以來未有請宣付
史館垂光萬世

上以天行有常未允所請有恭紀詩四月赴西苑萬

園玉繩隨侍七月扈蹕巡幸木蘭時伏雨暴注沿

途積水無路先生躍馬徑渡至清河有雨中騎行自

皇和癸酉年黃新莊韻詩雨盛失道暮投沙沽堆廢寺

與不識姓名武衛士共席暝坐遙亭子倍道追扈

皇大駕及于常山峪有七律一首常山峪追及介野園

觀補亭兩侍郎同榻村店夜話得七律一首後一日

抵熱河波羅莫林止頓二日得卽事斷句四首又奉

紫竹山房詩文集

三

年

勅恭和御製古今體詩原韻二十三首十月長

子玉萬考充景山官學教習十一月二十五日

皇太后七旬萬壽先生敬撰樂歌十四章并序以進奉

恩詔加一級蒙士共獻則坐茲亭于詩

皇太后賜文綺豐貂是時香英皆集京師祝嘏先生有

卽席呈錢香樹尚書陳羣七律二首又有送王芝圃

訓導世芳以六品服還遂昌訓導任七律一首王台

州臨海入時年九十有八後壽至百十有餘歲十二

月蒙垂恩賜貂褂

二十七年壬午七金水風賦寶異吉以來未嘗請宣付

六十三歲正月送 駕南巡後日直 尚書房有歲

暮卽事新歲卽事詩二月以上冬

皇太后萬壽覃恩奏懇以本身及妻室應得 封典賜

贈曾祖父母得 旨俞允贈曾大父元燮公爲通奉

大夫通政使司副使加二級又軍功加一級曾大母

王繼曾大母章皆夫人祖父二世亦如之時次子 五

官中書例得封及父母故事父以現任官請賜封

上世例不得受子封其子願以本身及妻室應得之

封賜封父母者可又父階崇於子者封如父官不得

論加級於是先生蒙 恩封中憲大夫配周夫人爲

紫竹山房詩文集

五

年

恭人三月京察一等六月哭金二楹門 德 有詩題

其門下生蔣心餘 士 銜 所寫遺照八月病瘧 皇八

子自園中以書見問有代箋呈謝詩二首病中作古

風十四首十月恭和 御製題鏤玉百子屏風原韻

五排一首寒夜漏盡上直得七律一首

二十八年癸未

六十四歲正月四日起 西苑寓園二月哭吳雲巖

侍講 鴻 二首三月迎 駕湯山是月手臨孫過庭書

譜全卷復爲釋文一通四月至六月手臨晉唐迄元

諸名人法書一函秋日 皇六子爲先生作紫竹山

園圖並爲題詞諸皇子皇孫皆有題詠中秋日

與邊秋崖侍讀繼祖盧名弓侍講文裕赴熱河番直

九月二十二日自熱河回京十一月十一日召見書房

諸皇子視八阿哥形容清滅疑有內病人命專

教師傳隨往西苑書房讀書寓園橋爲雨垢假寓

善緣菴在二十二日抄原錄曲阜王地對六月中

二十九年甲申謝未詳家近蘭亭一卷竹王孫梁音

六十五歲正月二日奉勅恭和寓御製新正二日

宴蕃使于瀛臺紫光閣元韻詩四日赴西苑寓園

二月作春興八首三月有輓張中丞藻川詩二首四

紫竹山房詩文集

三

年

月自善緣菴移歸鷗鷺莊官寓皇八子有詩見贈

次韻奉荅二首二十一日同徵楊二思述曾劉繩菴

綸等七人集王蔗邨太守祖庚邸寓卽席次蔗邨韻

二首伏日手臨宋搨定武蘭亭一卷付玉繩梁侍講

山舟跋壬子二月借刻於曲阜孔氏玉虹樓六月中

旬自西苑乘馬下直馬驚墮傷左指及頭骨瀕于

危謂皇子遣蒙古醫者青喜來視以食鹽撒火酒中

洗其傷以半羊肉切片炙次第取帖七日漸平至閏

月始瘥左手中指不復能屈伸作述病六首初冬迎

駕順州十一月作謹疾箋二篇上皇八子臘月

病中 皇八子馳使餉粥賦詩呈謝

三十年乙酉

六十六歲元旦早 朝恭和 御製元旦試筆韻二

首八日蒙 賜宴重華宮聯句又和 御製重華宮

名內廷翰林作雪象聯句畢仍賜曲宴原韻二首蒙

賜西壁舊硯一方上鐫

聖祖仁皇帝硯銘三月京察一等四月

皇上鑾輅四巡江浙還京恭擬賦一篇弁序以進越數

日蒙 恩賜鄭宅茶一瓶五月赴 西苑寓園七月

朔從善緣菴碧公借讀楞嚴經偶題齋壁一首後八

紫竹山房詩文集

三

年

日 駕幸木蘭曉赴大東門恭送有紀事詩書同年

倪穉疇都諫七芳遺冊後七古一篇秋 玉繩 得疾幾

危久不愈先生憂之深以不達醫意日檢本草注觀

之中秋雜詠有平生不解黃岐術細字昏燈難老夫

之句冬寒夜趨直 乾清門未啟奉碩亭 寬 劉圃三

星燁 繼至語次成七律一首

三十一年丙戌

六十七歲正月四日起 西苑寓園二月仲弟眉山

公訃至先生自 西苑馳回南城設位以哭以次子

玉敦 爲之後作行略一通付令南歸並令 玉繩 偕行

眉山公常語

玉繩

曰我善病不獲享遐年但願死阿

兒前阿兄爲我作行略藉以傳于後吾日暝矣秋患

頭風頗劇九月有述夢兼序哭弟老懷寄

敦繩

兩兒

詩月杪迎駕三角淀冬日病中蒙恩給假十五

日

三十二年丁亥

六十八歲正月六日上辛立春蒙一賜宴重華宮聯

句又恭和御製立春祈穀禮成名大學士及內廷

翰林曲宴重華宮聯句並得長句二首元韻詩二月

上幸天津觀河望海指示瀾洩機宜先生考諸水源

紫竹山房詩文集

言

年

流恭擬賦一篇並序以進晚春迎駕南海子三月

諸皇子奉命校獵南苑衆師傳侍從寓德壽寺

五月蒙恩復授太僕寺卿先生十四年前曾任此

官恭紀七律一首先生自庚午十一月內艱服闋明

二年春將還朝值六飛初幸江浙夜夢偕同鄉諸

老迎鑾道左忽自覺首無冠倉皇顧同列見張公

藻川首有數冠取戴其一俄驚醒向家人輩言之咸

以爲笑不料竟成終身之懺時藻川方官太僕丁憂

家居先生未開坊後由學士遷冏卿由冏卿遷京尹

太常又由太常左轉僕少遷通副後復由通副遷冏

卿至此凡三任太僕自後五年不轉一階是月長子

玉萬教習期滿引見奉旨以知縣用

皇上巡幸木蘭諸皇子扈從先生休沐寓園中秋作

引綈歌四首送通政使虛船孫公喪南還晚秋迎

駕南石槽

三十三年戊子

六十九歲正月六日蒙賜宴重華宮聯句恭和

御製重華宮曲宴元韻二首是月歸汪氏長姊訃音

至陽湖令邦憲之母也卒于陽湖官署去仲弟歿纔

一載先生篤於同氣自是居常忽忽不樂而精神意

紫竹山房詩文集

卷五

廼日減矣三月京察遵例自陳奉旨照舊供職先

生以先世兆域未卜言及輒淚下會連歲遭姊弟喪

益憂切九月命長子玉萬隨侍周夫人率眷屬南還

次子玉敦官中書六年俸滿奉旨記名外用留京

供職十二月奏懇給假歸葬蒙恩准行

三十四年己丑

七十歲正月二十二日出京皇六子繪圖送別并

皇繫以詩木皇八子作擬古四章送行皇子以下俱

差官集送於東門朝士祖餞不絕于道晚渡蘆溝宿

長新店有詩題壁至陽湖西郭悼長姊有作二月三

十七日抵里門哭拜于先人墓次四月假館于同里
孫氏以詩文質者遠近畢至八月先生次子

玉敦

以

中書改官山東登州府同知初冬買地于三台山青
石嶺之原十一月十八日丙申奉祖父越石公祖母
秦太夫人合窆焉自視工作寓建福寺月餘遵遺命
勿外求貴人銘自述墓誌一通

三十五年庚寅

七十一歲二月有族子某爲父病持祖遺田契來求
售先生廉其情傾囊與之而還其券曰乘人之危而
謀其產施之外人尚不可況同族乎某感謝以去三

紫竹山房詩文集

五

年

月卜吉於法華山之西原土名三方廟奉父臬亭公
母沈太夫人合窆寓鄭家巷三月工畢始歸有述夢
紀事詩四十韻五月假滿赴闕時長子

玉蘭

亦謁

選隨侍入京抵都日詣西苑宮門具摺恭請聖

安奉旨仍着在尚書房行走諸皇子喜先生

如約復至各有詩見贈皆次韻酬之八月十三日

皇上六旬萬壽先生謹製序文一篇恭進梁侍講

同書

來朝慶節復班見清河道左當奉溫諭南歸先生

自以恩重不敢乞身而意不能無慕因詩以代錢

未有莫怪老羸慵折柳對君慚汗出如漿之句是月

長子

玉萬

選授山東濟陽縣知縣先生自雍正庚戌

以榜下分發知縣居闕五年洞悉州縣之利病後爲

京兆尹益知其弊故于兩子之官徃復提撕危言切

戒兩子各條識行後不敢忘前同官山左繼又同官

江南皆以廉靜稱先生之教也先生初至京借寓汪

芑坡給諫

新

宅九月杪移歸外廊營舊宅十月七日

南石槽接駕有紀事詩初九日夜漏未盡雪甚下

上詣

太后宮問安侍臣有不及入班者恭紀一首是日冒雪

下直有懷十八臺吳太守

兆基

得長句一首太守字

紫竹山房詩文集

卷

十

自堂戊午順天榜舉人由縣令起家先生長婦兄也

太時先生未得缺蒙恩准照原官一例食俸以資贍

給十二月十六日雪恭和御製原韻詩二十七日

上集內廷諸臣賜福字先生跪領畢蒙恩指名垂

問良久始出

三十六年辛卯

七十二歲正月朝賀畢仍入直尚書房歸則擁爐

一室手訂諸生著述賓戚讌談未嘗示倦初十日與

同人集飲于補亭觀公宅十四日發家書寄兩子蠅

頭細字幾萬餘言下午忽疾作既而漸劇二十日夜

夢至青石嶺祖墳見列筵甚豐秀一人指示祖所賜者又至三方廟父墳亦如之自知將不起二十二日奉旨派侍皇十二子讀書先生已輾轉牀褥不獲仰承恩命時費甥雙元隨侍遂索紙筆作遺本付費甥越四日病益劇遂卒乾隆三十六年正月二十六日寅時也乾隆四十八年杭州太守邵公齊然修郡志先生與眉山公並載

文苑傳

年家子梁同書填諱

紫竹山房詩文集

天

年

卷之六

詩

卷之六

十六日寅時也

乾隆四十八年

付費甥越四日病益劇遂卒乾隆三十六年正月二十

日奉旨派侍皇十二子讀書先生已輾轉牀褥不獲仰承

恩命時費甥雙元隨侍遂索紙筆作遺本付費甥越四日病益劇遂卒乾隆三十六年正月二十六日寅時也

乾隆四十八年杭州太守邵公齊然修郡志先生與眉山公並載

年家子梁同書填諱

紫竹山房編年詩集目錄

卷一 古今體詩二百五首 庚戌至甲寅

卷二 古今體詩二百五首

卷三 古今體詩八十八首 丙辰至庚申

卷四 古今體詩八十八首

卷五 古今體詩一百二首 辛酉至丙寅

卷六 古今體詩一百二首

卷七 古今體詩八十四首 丙寅至庚午

卷八 古今體詩八十四首

卷九 古今體詩八十七首 辛未至癸酉

紫竹山房詩文集 卷一 目錄

卷二 古今體詩八十七首

卷三 古今體詩九十八首 甲戌至戊寅

卷四 古今體詩一百十三首

卷五 古今體詩九十八首 已卯至辛巳

卷六 古今體詩九十四首 已卯至辛巳

卷七 古今體詩九十四首 壬午至甲申

卷八 古今體詩一百十五首

卷九 古今體詩一百十五首

卷十 古今體詩一百十五首 甲申乙酉

古今體詩一百十九首

卷十一 乙酉丙戌

古今體詩八十三首

卷十二 丙戌至庚寅

古今體詩一百十首

紫竹山房詩文集

卷一

目錄

二

古今體詩一百十首

卷十三 丙戌至庚寅

古今體詩八十三首

卷十一 乙酉丙戌

古今體詩一百十九首

紫竹山房詩集卷一

雍正庚戌至甲寅

錢唐陳兆崙句山著

仙霞嶺四首和周櫟園石刻詩卽次其韻同馮實

虹

永振

章容谷

有大

方樂只

邦基

梯盤百級入雲峯縹緲諸天見法容潮自東來皆返走
日當西下正高春漁梁路迴通虹氣玉糝苔荒沒虎蹤
我已中年始行役敢將腰腳謝衰慵

眞似歡迎客首途野藤低竹好攜扶星巖影落捫牛女
麥隴塵飛失越吳風月不隨涼燠改煙霞能省去來無
神仙何必皆天上共醉仙家興未孤

紫竹山房詩文集

卷一

雄關高控嶺郵長龍脊紆迴鳳翼張孤磬出林僧院靜
排松翻雪鶴翎香更無蜂蠆依叢薄賸有天花舞上方
聽說忠賢舊遺事往來人各淚浪浪

謂范李諸公

千載吟魂有夢通山棲曉枕射瞳矐智囊事久留江上
承旨詩多出道中

謂羅隱韓偓

人到深秋情易感景逢平世

晝難工縱然此去

君門遠來往因風一塞鴻

庚戌除夕漏未盡卽起有作

忽忽榕城隔泰安

已酉除夕同行公車十人在泰安州度歲

獨攜孤影此

蹒跚雷鳴曙鼓趨行馬笋束生衣謁上官熱海氣蒸飛

雪斷枯禪燈颯曉風寒

時寓開元寺

何須逆旅人催起甘寢

從來到處難

九言題章容谷建溪舟行畫扇用舟字

山行五日別却江郎石滿身塵土待濯臨清流方今河
清屢書天吳伏艤艫萬斛到處成飛浮此溪特漁梁之
一大壑詎有大壑可以容擊舟吾聞浦城界連芊源驛
陸程九宿直瞰榕城樓祇因車徒轆轤較勞費委舟于
壑夜半從人偷嗟乎錙銖能使冒不測矧其大者肯憚
風波不或注而下一往箭脫筈或引而上絕頂鷹盤秋
或以敗絮枯茅塞罅漏或作手搖目懾懲喧啾平生性
不低眉憶鄉井未免跂跂脉脉懷牢愁竭來已公屋底

紫竹山房詩文集

卷一

二

召魂魄經行千里無一堪回頭怪底與君同時出此險
轉如得趣統扇圖前遊吾聞韓偓當茲欲燒畫向來貪
愛一筆都從勾偓詩云常貪心水羨漁樵自笑揚鞭走
今朝今日建溪驚恐後李將軍畫也應

燒何爲前賢所毀今更造度量相越殊費吾推求大抵
遭時治亂非一轍襟情舒蹙直視爲因由人心之險何
止若川谷幸生平世進退無瑕尤區區行路艱難所時
有豈若孤臣去國涕不收君其是哉賤子則已淺下床
位我側聽風颺廳

更鼓

薄酒不醉人擁被數更鼓鼕鼕復鼕鼕百憂起心腑殘

燈證暗風因風一寄語春寒正好眠毋爲太相苦

福州元夕閒行口號

過臘寒永暖欲融牢愁半破鼓聲中清便衫履無拘束
且試春城一夜風

辛亥七夕用杜牧之自宣城赴官上京韻

一杯濁酒釀新秋廿載萍蹤各逗留自浣征衫開故篋
誰攜彩線上層樓風簾雲幔情何極敗几寒檠恨未休
乞與雙星排帝闈可容重作玉京遊

寄季弟支山

兆岐

二首

可憶臨歧語俄更暑與寒蛛絲乘月好社雨促花殘不
紫竹山房詩文集

卷一

三

讀絕交論焉知行路難濶疎終病爾離夢遶江干

聞道瓶簪厄支床想痛酸

時弟婦新亡

家書徒切切驛路自

漫漫易活庭前樹難迴鏡裏鸞晨昏勞檢點有淚莫輕

彈

中秋無月卽席分賦兼寄弟閩風

兆嶠

吐霧漫山雨漲江空勞海賈倚篷窗珠胎閉彩虛三五
雁侶驚寒見一雙響絕遠鐘魂欲斷座搜強韻興難降
不知共此陰晴夕誰與催詩倒酒缸

九日楊樓園同年招集烏石山二首

昨夜相期過翠屏出門殘夢未全醒山容偃蹇疑無素

竹路陰森喜見青，一日可能如兩日。酒星難得又文星，何人爲促登高賦。清磬依依仔細聽，傑閣危梯縹緲間。坐憐夕景下前山，巖通海氣層層偏。樹壓秋陰葉葉開，但得身強常把酒。縱無花插亦開顏，年來鬧市經行人。醉倚僧寮未肯還。

送呂總戎赴任臺灣

生本幽燕一世豪，巖疆新命獎成勞。朝天劍佩橫

星影下，越樓船。蹴海濤，門外戟枝連鹿耳。階前雨腳避

龍翰辛丑平臺道，呂與有功旁士女爭迎拜。曾識將軍舊戰袍。

除夕家書至

紫竹山房詩文集

卷一

四

晚鐘高曳亂雲催，無計能揮日御迴。花綴蠟燈終少態，香添爐火漸成灰。一緘眼底安心藥，十口宵深守歲杯。只有孤飛鴻似我，蒙頭風雪過南臺。

去本西廊一世英雄時命榮英雄天險天險

花枝歌板隔隣牆，晚步孤吟襟袖涼。海月也難禁寂寞，

徘徊不肯過西廊。

福州春霖甚盛，壬子止已志局小集，值大雷雨，廖

秀才天瑞有作次原韻。

青春黯黯春失青，晝雨暝雨晝亦暝。願爲桃梗隨飄萍，

一徑直叩胥山扁。羨君寧不櫻其寧，日事汲古如井餅。

爲我薄設鯨鱗鱠爲我博徵子史經大酋火齊出晶燐
婆陲七旦宛娉婷時以度曲賭酒有闕
土作西腔一座絕倒詩成騰光馘六

丁狂震電馱風霆破壁下取無飄零三雅在手飛且

停時震雷破壁擊庭樹
因撤席圍坐移時樂不可極重怱怱小睛暮色來

遠汀鄒生枚叟俱高齡衆醉獨有下座醒廖年
最少因緣聚

會歡忘形福州水國得歲星

上已後一日有遺酒者謝古梅編修道承用前韻

索飲再次戲答

青州客至春正青一緘遠走七晝暝中言聚散猶蓬萍

特致此物開愁眉銜冤密酌勞丁寧古梅詩有戒不外
洩重丁寧句蓋冤

紫竹山房詩文集

卷一

五

坐僕以密飲也遂約
諸君各治肴具下之卽坐爲爾傾壘餅迎仙之魚交趾

鯖越人治鮮本慣經香橙擘金光熒熒大螺化女狀娘

婷八公高會吾適丁茂視蠓羸暗雷霆未能散酒作雨

零翻教得肉如山停就中狂客詭惺惺雙瞳平視如止

汀恨無大藥延頽齡且拚一醉三年醒人生天地之委

形地有酒泉天有星

題林上舍浦興井古花莊新居奉次古梅編修韻

三首古花莊本宋末
陳忠肅公故宅須無臘零三銀寄手張且

詩人老去卧墻東密雨疏烟杳藹中三尺春泥成小築

前身應號荊雞翁益短髮蒼蒼史豨大酋火齊出品

短檐頽砌舊槐廳往事無從問汗青且聽種花人入夢
滿園風雨落秋局

書清溪孝子某十洲女孫壽英烈婦合傳後

於乎淳風凋議論日高縱節孝惟愚難而謂不足重劊
身固毀傷吞鉤亦閻曹至性激中腸計較屏勿用六經
重好生勿以繩有衆伸理想抑情史筆起補縫試觀紛
紛者一編事唵誦粗解冰淵詩匱勉酒肉供蚊蚋嚼肌
膚爬搔夜不夢投臆見蜂螫拔劍起倥偬剪裁傷指爪
流血淚迸送誰非覺痛身彼獨忍奇痛又如兒女恩盟
誓無貳衷一朝楊花飛千秋羞墓貢保孤誠艱辛爲殉
紫竹山房詩文集 卷一 六

重次春正四日謝孝廉徵雲招飲一枝山房

亞字城南烏石西市塵不到稱幽棲一聲山大穿雲吠
幾處林鳩帶雨啼掃葉煮泉丹井暖就花移瓊石床低
平生賸有春襟在纔入新年醉似泥

春日遊林氏園

不信桃源路渺茫早春風日趁漁郎疏疏竹影穿榕影

灑灑花光界水光行度柳橋身八畫坐梳石髮手聞香
長年管領山翁健門外征車幾夕陽

楊樸園七畝

常疑此地卽瀛壺兩度登臨興不殊舞鶴定忻人識面
詩僧况與酒爲徒竹敲寒玉中筵奏苔引連珠一徑鋪
卻爲憑欄多悵望舊遊何處醉呼鳥
流水聲中萬劫刪巖頭終日坐忘還天光向暮如初曉
人事多忙得暫閒樹老煙霞留古貌時平豺虎去空山
劇憐蒙谷祠前月忠貞范公自序
其詩號蒙谷集不逐歸鞭到市闕

紫竹山房詩文集

卷一

七

一枝山房題壁四首

古梅率二子玻
環讀書處也

獨上雲巖借一枝青箱世業自相師我來多少沉吟意

好是劉郎四字詩

劉翰林鄰初題柱一聯
日山中詩禮枕上墳荒

老去坡翁飽菜根每攜過邁一開樽眼前拾得當年句

蘆菴生兒芥有孫

王中發奏晉詩戲一聯

桐几何年別九仙煙霞蕭散笛聲殘問誰曾說藏書處

乞與勞人一字看

舍南舍北擁嵐煙絕頂還宜置一椽料得種花心未足

更無人借買山錢

門外征車幾夕陽

題洗馬圖

此詩與賦都良人畫坐臥不覺手開卷

學書書好無人識學劍雖成空關力平生所學敵萬夫
無數甲兵在胷臆曾臆何時吐鬱塞嘶風馬與人相得
相得匪徒勤拂拭異其阜與飽其食嫖姚去若垂雲翼
歸來爲解黃金勒木森森蛩唧唧夏故秋新水天一色
晚涼氣候宜休息昨夜西陲新破賊

井欄聯句同戚涓亭

敬言

海波通地脉十仞鬱激灑多汲水易渾

兆崙

深防味加

碾銀床亦奚惜

敬言

白石毋乃忝繩鑿離本根

崙刮磨

折氣從周遭圍三奇

敬

空洞憑一劍團團磨盤滑

崙

蹙通眉斂大圍縮孤光

敬

雙輪礙峭塹無當玉作卮

崙

紫竹山房詩文集

卷一

八

有蔽門樹沾仰雨庭不辭

敬

吸川霓靜占下斷應上缺

崙

腹疾延目驗賀免落底眠

敬

仲得從上贖求取予何

疵

崙

往來邑並瞻孰與有道碑

敬

文章表幽潛孰與偏

霸鏡

崙

冠冕照貴艷窮通兩失據

敬

頑鈍合下砭摸稜

瓶尚觸

崙

抱獨藻空揆壓捺噴靈蚪

敬

低催踔騎獫獨

憐執拳欸

崙

相對澄萬念居卑自以牧

敬

當道人不厭

撤幕慎始終

崙

增修理缺欠恣君跼躄行

敬

終古杜昏

塾

崙

瘦鶴二首和高翼夫

鵬飛

借住園池自伴叨誰營二頃爲霜毛梅花夢斷已無奈

焦尾時來能幾遭霜雪歲深翎未長稻梁謀拙步空高
海山只在人間世愁絕難勝別思勞

何年浪跡返林泉病骨亭亭尚欲仙暖傍花龕朝隱霧
閒尋茶竈晚拖煙難成負翼風生腋易得驚眠月過肩
恰與苦吟身髣髴信他巾拂舞誰邊

遊鼓山題圓玉主院方丈四首

慧業文人學佛遲晦堂老子偈堪思而今讀罷梅花賦

竟許稱他是大師

圓公有梅花百詠

濺玉欺珠歲不乾摩崖題徧蘚紋殘但能好事吾膺服
都作飛流好句看

紫竹山房詩文集

卷一

九

舍利燒殘化紫煙紗籠朽骨不知年諸天合在形骸外
傳說紛紛笑野禪

割據雄風事久沈更無父老涕沾襟一燈寒供巖頭水

費盡當年布地金

寺有閩王祠王審知分田爲三等最上以給僧

自喝水崖晚步至圓公房宿

不是山行易

靈運詩旅容易山行

心閒步自安謹誦塵徑仄瀟灑

福庭寬獨鳥連雲墮高花抱雨寒何峯名劣崩遮斷暮

霞殘

半榻從僧借千巖鑿夜幽大空馴虎性童子出龍湫有
夢柯俱古無風籟未收宵分鐘打動身世兩忘憂

登鼓山絕頂圓公出李元仲寧化志見示卽題其
後

越山重重越水復青榕丹荔香馥馥無諸一去幔亭空
萬子千孫蕃長育中有歐冶池越王臺螺女渡徐登崖
犬吠九仙乘鶴去雲擁三郎騎馬來去來往迹諮禪老
手指紅螺數遙島澎湖戰艦疾如飛繡襦諸子蕩如埽
我今不慕貴我亦不學仙沈吟三立心茫然近如曾曹
謝李亦可憐

題九仙山寄閩風

何家兄弟甘枯槁堅卧孤峯結幽抱學仙仙去如九龍
紫竹山房詩文集 卷一

十

剩有空山青浩浩或云此其煉丹處壺裡風輪轉坤昊
月下風前笑語喧抱關飢吏時傾倒羸劉魏晉不知年
除是歸來語華表或云無諸並世生九日鶴觴飛羽縞
至今上有石樽存雨宿風還大如島或云伯氏早得仙
先試蓬萊水森森乃招其弟次飛昇雞犬轟騰逐雲繞
我聞斯語信且疑穀城路隔難聞道參差樓閣駐江神
社鼓村醪事祈禱青春欲暮白雲遲石室丹經絕搜討
既作凡夫可別離淚泚枯毫心悄悄

題王石谷畫

白雲出深谷放意行蜿蜒危梯距絕壑俯仰分鉤連勞

勞地上友短策苦屯遭朝在山之麓暮在山之巔計程到京洛今年復明年微寒生衣袂可是白雲還白雲有時還遊子其勉旃

奉大府檄攝鰲峯書院山長

刺桐花外雨纖纖芳徑孤尋濕帽簷如此林泉真是好不知吏隱可容兼苔錢罷埽青常滿書帶無澆綠自添憶到十年吟諷地松釵落盡烏窺簾

憶讀書萬松書院忽忽逾十載矣

同趙青軒再遊鼓山至湧泉下院撤騎步上越宿而歸得詩四首

小雨疏煙澹曙光東郊三月放遊韁衝泥犢健分秧早紫竹山房詩文集卷一

十一

飛雪蛾輕打麥忙路轉墻腰窺藥圃鞭垂沙尾認魚莊程程芳草風嘶遍便不登山興自長

屋枕山椒遠陌塵借他筇屐試嶙峋哥哥喚樹行來路栩栩穿花夢裏身秋葉入春紅孕荔晴雲帶雨碧成鱗擘策三字靈源洞昏黑還應一問津

佩壺清興動相於况復花前淑景舒雜坐細茵忘主客閒評殘碣歎居諸樵逢行客者工烹茗僧號知賓解索書共道夜來塵夢斷一樓鐘聽五更初

相將拍手過橋灣橋畔松枝且試攀不分逾年重入寺何妨今日暫辭山輪蹄到底依歸路猿鶴回頭認別顏

省得三身無定在豈容信宿戀桑間

楊蓮村招同遊鼓山自南臺登舟中流遇風至暮

始達下院次許明經水南韻

茲遊興益高紆軫探冰石向午登輕航中流日景夕黑
風從北來吹斷鳥飛跡怯膽未堅剛倉皇待沉壁哈呀
萬竅號旬旬千頃碧逍遙殊愧莊喃那儼歸釋生憎黃
帽兒倔強尚猶昔驚流蹴驚棹相對各脉脉昏黃達彼
岸身輕脫帆席秉燭前路迷十里走均僻傍麓躡虎蹤
穿田禮農伯寺門忽當面一笑破常格譬如入寶山兩
手忻有獲巡檐斂殘魂入座定驚魄有僧初辭家來此
紫竹山房詩文集卷一
度駒隙爲我供一麻自陳意所適由來風波險作僧勝
作客

喝水崖同許水南釋圓玉聽楊蓮村彈琴

積雨苔荒屐齒稀更誰抱曲倚巖扉身隨流水高山住
心逐閒雲野鶴飛萬籟盡降名士嘯空花亂落道人衣
無邊渺瀰流殘照知有魚龍竊聽歸

同許水南苗致菴楊蓮村遊塔湖湖以寺塔得名

萬頃淪漣一峯秀出亦佳觀也

禪龕晝寂樹啼烏四繞波寬一影孤抱閣榕陰深似幔
入雲塔勢穩于壺僧歸茶塢煎新雨僕掃苔茵供細廚

贏得樽前鄉思劇半如錦水半明湖

諸君皆西蜀人

暮春送李觀察但山先生罷任歸江南

名玉鉞可戊進士

伸眉一笑促輕裝攀樹蒼黎淚萬行再起衰羸寧預料

等閒仕已亦何常

前二年移疾歸特起復任

過時禽舌催花落送

老荷衣出筍香若道據鞍心未化三年前已卧林塘

聞同年杭二堇浦

世駿

就聘閩闈詩以誌喜

聞說徵車入海天羈魂延佇驛樓前定知史藁餘三篋

獨占湖山已二年過嶺日低晴戴笠下灘風駛晚行船

只今西目慚猿鶴把袖何堪對鄭元

宿昔情懷各自知飛來風馭豈前期文章聲價憑他日

紫竹山房詩文集

卷一

三

山水遭逢在此時十里紅雲移日月中宵紫氣耿雄雌
相看莫漫悲離別爲我搖毫賦好詩

附杭詩

同年陳句山聞余有入閩之役作詩誌喜既出闈

始得示予遂次其韻

一旌迢遞指南天媿汝勞勞盼我前夜雨鶉啼椰子樹

秋風客夢鼠兒年路經古岸煙藏寺人隔危谿月滿船

欲遣雙魚報芳訊空函何處著陳元

懊惱前程自不知膏騰一醉負心期來徐頓起甘牢閉

對策劉蕢尚憤時莫向舊槽悲伏驥枉攀別樹感羈雌

窮鄉偏有迢迢思漫寫情懷入小詩

題林涪雲研銘拓本冊子十首次黃莘田大令

任

韻

三山會裏幾新知上下千年文字奇不信南邦遺獻在
請君諦視此銘詞

苦縣光和遠寄情箕裘三世遂知名杜陵老去韓才薄

有志輸他事竟成

涪雲爲林吉人中翰子生
數歲有書名子十歲復然

使君軒裏足清芬淨埽風埃巧貯雲自道宦來荒十畝

迎眸花葉快初耘

莘田顏其
軒曰十研

別樣豪奢闕徑畦各持名款門新題多於梓澤青珊瑚

紫竹山房詩文集

卷一

十四

忙過城南金距雞

福州士大夫風氣如此城
西光祿坊其會集處也

光祿坊前鎮往回家珍歷落數玫瑰巧偷豪奪吾何敢

運至還能一儻來

承諸君頗惠佳石過嶺
爲偷兒所疑竊去殆盡

昌谷新詞雅樹標吳門妙手善開雕多情才子時留珮

細意佳人解剝蕉

李鹿山先生發好研家蓄
名款多出吳門顧二娘手

京兆才多患亦同直將身世判磨礮寄聲後輩懲前事

墜葉還防野火攻

余田生旬既謫南臺復被言者
追論荷上矜宥得從輕議

炊煙不起雪生香折得山梅許共將遺我一枚成底用

古來樽俎笑廚娘

古梅見遺漢俎僕
不能辨其是否也

漫興詩篇嬾未裁風雲休妬孟郊才茲鄉旗鼓峰峰好

一攢都教入袖來

董二滄門工鐵筆
小篆爲浩雲所服

巖草無端出處分蕭閒曾不異諸君三年宦况粗能記

屹屹丹黃譜藝文

僕在閩中以大吏奏與
一統志局凡三年餘

庚寅甲寅七月余將北行水南亦西歸有日賦以志別
金石論交歲序催君歸蜀道我燕臺衣霑瀑雨春相趁
盞落林風月幾回蓄恨乍添猿夜哭封書莫寄雁南來
世間果有銷魂別黃葉黃花眼倦開

留別家師顏

有序

師顏福清秀才名

發

往在志局共事酒後嘗對

僕嗚咽已而涕泗橫流自言其前生與僕在西

紫竹山房詩文集

卷一

五

蜀蛾眉庵爲僧同門兄弟也明日即之則自承

爲醉嚙如此者數矣衆皆以師顏性謹厚而善

留飲不應作爾妄語僕謂不然此特師顏見親之

意耳茲將北行其可無辭就別時師顏亦受知

林學使選拔第一貢太學

何須述夢涕洟瀾此日樽前已少歡常爲塵勞見時少

况當秋老別君難黃花驛路青袍瘦紫蔗園林白袷寒

聞道名場方選佛好隨俗駕一彈冠

去閩前五日編修家學圃謝古梅庶常劉鄰初秋

部張雪樵大令黃莘田貢士謝徵雲諸生林興井

渭雲涪雲及家師顏辱餞於一枝山房舟中卻寄
五載忻逢海上仙異鄉投分最相憐山梅爲我應先放
簷月窺人轉欠圓有夢儘成蕉覆鹿無心動遇酒如泉
樽前萬事從頭想好費光陰締此緣

未能日夕處閩中浪說清遊數謝公文蛤細嘗殊不惡
離支飽啖亦稱雄淚縈促席交光燭魂斷高梧一夜風
直似回頭望鄉井詎因歸路便匆匆

自水口至浦城山行偶記

懲建溪之險故陸行也

襍被匆匆歸思賒山程日日歎山家逢人更覺窮於我
得酒生憎淡過茶曉霧彌漫深隱豹晚風蕭瑟亂棲鴉

紫竹山房詩文集

卷一

六

就中佳處差堪說一路香生萬樹花

皆桂也數百里不絕

九月六日度仙霞嶺回首客閩以來忽忽五易歲
矣

秋雲一片夕陽飛歸夢征魂繞翠微暖藉草茵關吏醉
閒滄松實寺僧肥芒鞋未是尋芳屐蠻布堪充冒雪衣
誰信吾無溫飽志半生曾不脫塵鞿

保安驛二首

已度嶺第一站也自八月二十
六日發閩至此距重陽裁二日

十日歸程此駐蹤前行人盡快相逢可能佳節攜兄弟
登探吳山第一峯

聞說清湖苦漲沙帆檣渺渺亂山遮一宵雨作傾瓶勢

揩眼明朝看浪花

時清湖旱涸渡口不通舟者二句矣是夕得雨

江郎石

來是雲遮去霧迷無情面目總含悽平生頗有磨崖筆

肯向江郎仰面題

去江山縣城百里有江郎石轟起天半行客以陰晴卜名利得失故查他山有江郎亦世情之謠予往時經此口占一絕云郎亦知子否行藏付嘯歌本非名利客貪看亂雲多

過七里瀧遇來船相識奉寄泰安中丞新繇齋使

羸劣形骸愧舉肥風塵物色未全希清如茶味還分俸

暖入春暉尚贈衣

春暉閣在撫署東偏楊齋使丹山先生以味茶名堂

不道跛羊

難遠牧獨憐窮雀滯冥飛紅橋艇子烏山屐落月孤蓬

轉首非

紫竹山房詩文集

卷一

七

重九後一日抵家始知二嚴凶問哭之

同年嚴庶常遂門人

嚴用和秀才年

皆未至三十

黃葉江頭歸夢醒山川如展舊丹青風光一見意飛動

消息頻驚淚雨零嶺海瘴深魂未接秣陵書在目重經

幾回待酌埋文冢樹樹商聲不可聽

春日飲戴鷗亭西園

頻年塵夢判衙齋一昔鄉園秉燭偕花入試燈風更好

酒過殘臘味逾佳行拚青鏡移元髮坐看金蟲墮玉釵

硯席幾入今好在參差星斗落空堦

舟中檢得鄉友屬商詩文若干一一跋而還之內

有家弟閩風五言近體大進喜極不覺成咏
歐九少博觀季緒遲斷喙二病吾兼之捫心發大作內
顧於古今未是涉崖畧下筆或偶合徒以性所樂越客
甘蛙鼃相顧駭珍錯魏斯悅啁啾何心逐管龠風霆責
聾聽青黃試擘摸書還付航頭傳亦束高閣督迫聲周
環有如負官約檢篋悉署尾踐諾免嘲謔非能審音采
聊以塞委託阿連素劇苦制藝入思索近復哦詩工草
舍嘲我縛笑問諸良朋視余孰前卻

虎邱夜步

遊冶喧初寂支筇輿轉賒龍湫澄夜氣佛火入春華隔
紫竹山房詩文集卷一
水鐘能度隨風月自斜當階索茶具烏帽冷籠紗

寒食過五人墓

馬鬣低摧俠骨枯歌龍時節長靡蕪當春森活眼青柳
終古亂啼頭白烏牧豎罷吹捫短碣酒徒多淚發長吁
年年卧虎山邱在麥飯誰爲薦一盂

淮河舟中四首次金大赤泉

焜

韻

高閣督迫聲周

欽危一棹過揚州支枕篷窗聽水流瓜步潮聲多入夜
麥天風色欲成秋二毛爲促潘仁賦長日徒牽吳季愁
撩亂心情竟何似繭絲乙乙不勝抽
邦君休問道西東去去蒲帆趁好風一飯不憐鐘韻斷

千金誰借市塵紅，寒傾卯酒春浮瓊。狂學吳歛月上蓬，
賸有忘機無限趣。幾多鷗鷺浪花中。

爛漫鶯花寂寞過，迢迢水驛咽清歌。官梅閣靜春風歇，
叢桂山深夜雨多。晚節有齋摹畫舫，急流無客理漁蓑。
從教綠遍湖堤草，祇付遙情與去波。

五年越客暫言歸，嚴命當春重指揮。

昨秋歸里闈今春三月未行家人

意色不悅因

詩與異鄉消歲月，鶻搖幽夢轉庭闈。寒譙

不顧燈花落，小雨時侵曙色微。毛義平生最知足，
孤珊網下黃扉。

淮陰釣臺

紫竹山房詩文集

卷一

十九

葦岸苔荒霧雨侵，舟人指點說淮陰。王猶可假齊權重，
遊豈須真楚澤深。未必重瞳真客印，何曾一飯爲貪金。
但將遺跡論高下，杳杳嚴灘聳百尋。

清江浦汪易傳明經攜酒看見送袁秀才圖南繼

至

灣灣浦淑抱孤城繫纜重，遊歲幾更雜樹羣。鶯三月岸
桃花潭水故人情，杯含桂醕成朝醉。網集銀刀佐夜烹，
爲語袁安莫堅卧。袖中詩卷比江清。

自陸莊登車至濟寧

擊楫歌殘春事空，夕陽鈴馱響丁東。狂花拂帽三眠樹

細浪侵車二麥風別岸暮帆天外落隔林岐路馬前通
銜蘆去雁如相識曾共漁燈傍短篷

和壁間汪復園臺題野寺之作次韻

天花香萼幾情騰唵向霜橋又雨鐙惆悵卅年行腳遍
鎮無人識是詩僧

趙北口示赤泉索和

日走荒埃春事非好山好水忽相輝籠花霧擁繁香住
漏日雲張五色飛風落柳梢鶯尚滑網收沙嘴鯉初肥
丁寧莫更貪凝望橋畔人家似故扉

望涿州感興

紫竹山房詩文集

卷一

三

可感無端入夢中涿州形勝敞晴空山連鼇柱根盤互
地近宸居氣鬱葱市駿臺高邨月外騎鯨人在浪風
中白雲渺渺春雲暮商畧平生到塞翁

琉璃河

脚輓潛知筋力消卧聽輾轉馬蹄遙今朝路滑身强健
步過橫河十里橋

良鄉

草樹萋萋日半斜深含煙色淺縈沙紫藤籬外金鋪地

四月良鄉菜始花

到都三日書報閬風支山二弟

欲申離緒手慵裁風信聊憑四韻迴借得一枝從水部

時寓章都水宅業經三宿在金臺貪眠未免多鄉夢畏病還能

重五前一日贈章水部容谷三首

平生魂夢兩依於用韓詩考異本南海詩篇北塞書千里同舟

逢有道庚戌殘冬與章偕下建溪一燈懷舊話無諸如君意氣真塵

外容我疏狂到酒餘笑此三生閱來去大千龍象總猶

初

升沈蹤跡近何如紫陌青雲話不虛此日吹嘘空野馬

昔年蓑笠半軒車征茅際會誠難得博物才名豈易居

紫竹山房詩文集卷一 五

但說樽前共時命也應聯步到金除

到眼風光乍啟予桃枝門戶晚晴餘將心自比傾城草

灰骨誰為抹臂書六載已全邀色養一年將半等閒居

周妻何肉都拋得還指乾坤作草廬

奉答全謝山祖望苦熱次韻

閩中余从客一月冬夏兼熱欲爛若木寒欲僵飛廉炎

曦與烈颶角鬥無讓謙昨年此月雹凍可退筆尖回思

曷歎暑甘心如錫甜今年更北遊爬沙仍寒蟾所喜節

候信聊復一窺覘枯坐九十日三伏初炎炎閒身脫屣

東生衣免汗沾從無諂脅病枕冊勝腰鎌薄酒牽宿醉

險韻時一拈周妻共何肉倘若謝轡箝禪心枯半坐雲
笈翻新籤茶香烟晝裊爐火灰宵添未怕披羊裘而况
曳輕縑冰雪入肝腸朝市同幽潛金子吾畏友吾風所
攀髯胡爲發豪興迫令蒼鶯殲知君畫眉手涼月宜纖
織奚堪疊端綺秋意還沈淹謝山爲春學士
館甥始婚四月不則望白
雲徑寸勞爝燁遊子思故鄉泣下屯如占紛吾重感激
形影忽自嫌六載苦行役半畝荒茅苦倚門雙鶴髮無
心適養恬冰丸遠莫致暗淚流漸漸憑誰供藕絲弟妹
時依瞻但有米如珠更無雪似鹽巧婦造艾虎當窗觸
邪儉淒其絺綌風低迷燕子簾言念發鬼躁獨步尋虛
紫竹山房詩文集卷一

三

檐雌風颺混濁涎翼紛膠粘未若聞浙驛相倚如葭蒹
離家倍迢迢搖膝徒檐檐相煎到心骨熱海熱未厭
世宗憲皇帝升遐恭擬輓詩

地坼天傾此恨長鼎湖秋老暮雲黃攀髯未許臣微末
獻賦空悲路渺茫三世好生民最樂十年磨鈍吏皆
良不知幾下求賢詔猶有徵車哭道傍

送徐括蒼

元肅

同台州署任并寄玉環司馬李七

紫髯

惺

二首

遊子思親淚萬行故人相見重霑裳璽書自古褒黃霸
鵬賦於今媿洛陽歲序欲隨杯酒盡羈魂還逐馬蹄忙

莫疑嬾寫平安字憑仗春風過草堂

海上鬣參安穩無合從賓雁問羈孤金臺日落人長客

玉樹風迴草尚枯夢去扣舷餘病枕憶來折簡及狂夫

今春李七
厚餞湖上江春料自無新舊更與誰何送酒壺

重開題家半野林亭畫卷

我昔隨計車與君樂簪合良辰時過從半野花飄沓轟

騰文酒場柴局曾不闔無何官裏去相對重於邑一入

粵西秋一度闌南臘交遊門詩瓢吾祇戀酒榼同爲行

役人何能逐吟答

庚戌歲半野卽屬題句吾
友梁諶林枕葦浦作九言

分手忽六

載寸步隔重開枕榔雨綿綿荔子風颯颯相思不相聞

紫竹山房詩文集

卷一

三

仰天付一嗒寧知後會期因緣未摧拉有如相約至從

容欸閭闔離情久鬱淤快於疏濟潔回首握別年爾我

裁逾卅今乃各二毛四十行匝匝流光去堂堂灑淚寒

韎齡珍重此遭逢爲君理硯匣匣中副此卷林舞勞踰

踴感君不責逋脚爲一輪納吾鄉三益友行且來紛選

重開半野扁復理舊杯酌倘問宦遊情翩然兩雲裊

送同年孫二端人

人龍

視學滇南二首

輕軺危旆出重城三月王程第一程漢使節方臨洱海

益州雲合舞昆明地霑醲化春無瘴宦帶冰銜夢亦清

料得心情似鳴鶴不將萬里負平生

霜程雪邸兩相憐
身世行藏動惘然
一揖便應判萬里
相逢况復待三年
人從淚別無杯酒
眼見囊輕缺俸錢
端人以貧宦月數召客然
聞書帷床幔悉付質庫矣
只是春寒多在路
莫教帷帳
去行纏

得趙青軒書兼示近作卽次其見懷詩韻奉酬

皖城風物近如何
知爾離情入望多
山勢北來人縹緲

江聲東走客蹉跎

來詩序云署中竹木蒼鬱樓閣蕭爽南望長江北眺九華

雨思聯

榻聽梧竹月想牽衣坐薜蘿
三十六鱗銜一串儼然巾
恰過吟窩

不寐

紫竹山房詩文集

卷一

耿耿寒宵漏轉遲
靜中情味有誰知
聰聞鬪蟻同牛觸
幻想華軒並鼠馳
老衲坐單真可學
孤禽求旦抑何悲
如烟紙帳如燈月
長此籠愁照鎖眉

賦得迎歲早梅新

五言八韻乙卯十二月考取中書

陽德調溫律韶光度鳳城
宸衷時茂對節物早舒英
愛日心知暖融風萼解迎不嫌春漏洩
正值月嘉平香
自華林遠姿含太液清
向南偏爛漫傍嶺最分明
柳色
爭生意椒花鬥艷情履端方仰

聖萬卉樂敷榮

